

**Fundargerð**  
**14. eigendafundar SORPU bs.**  
**Skrifstofa SSH, mánudaginn 1. október 2018, kl. 09:30**

Mætt:

**f.h. eigenda SORPU bs.:**

Ármann Kr. Ólafsson, bæjarstjóri, Kópavogsbæ  
Dagur B. Eggertsson, borgarstjóri, Reykjavíkurborg  
Gunnar Einarsson, bæjarstjóri, Garðabæ  
Rósa Guðbjartsdóttir, bæjarstjóri, Hafnarfjarðarbæ  
Haraldur Sverrisson, bæjarstjóri, Mosfellsbæ  
Ásgerður Halldórsdóttir, bæjarstjóri, Seltjarnarnesi

**frá stjórn SORPU bs.:**

Líf Magneudóttir, Reykjavíkurborg  
Jóna Sæmundsdóttir, Garðabæ  
Kolbrún G. Þorsteinsdóttir, Mosfellsbæ  
Ásgeir Bjarni Garðarsson, Hafnarfjarðarbæ  
Bjarni Torfi Álfþórsson, Seltjarnarnesi

Ennfremur sátu fundinn Björn H. Halldórsson, framkvæmdastjóri SORPU bs., Guðrún Eva Jóhannesdóttir, skrifstofustjóri SORPU bs., Hrafnkell Á. Proppé, svæðisskipulagsstjóri og Páll Guðjónsson, framkvæmdastjóri SSH, sem ritaði fundargerð.

Formaður eigendavettvangs SORPU bs. Ármann Kr. Ólafsson stýrði fundi.

Gengið var til dagskrár

**1. mál: Fjárhagsáætlun byggðasamlagsins 2019**

Eftirtalin gögn lágu fyrir fundi vegna þessa máls:

- a) Rekstraráætlun SORPU bs. 2019-2023, drög frá fundi stjórnar byggðasamlagsins 21. september 2018.
- b) Samantektir vegna verkefna tengdum hagræðingaraðgerðum í rekstri byggðasamlagsins.

Framkvæmdastjóri SORPU bs. fór yfir meginþætti í rekstraráætlun byggðasamlagsins, ásamt því að fara yfir fyrirbyggjandi fjárfestingarverkefni næstu ára, áætlun um rekstur og afkomu endurvinnslustöðva og byggingu gas- og jarðgerðarstöðvar í Álfsnesi sem komin er á framkvæmdastig.

Umræður

**Niðurstaða:**

Í ljósi umræðna á fundinum, m.a. vegna reksturs endurvinnslustöðva og þörf á markvissari framsetningu áætlunar um væntanlegar greiðslur aðildarsveitarfélaga á næsta ári var samþykkt að stjórn og framkvæmdastjóri móti betur tillögu að rekstrar- og framkvæmdaáætlun byggðasamlagsins og boðað verði til nýs eigendafundar þegar sú vinna liggur fyrir.

**2. mál: Urðunarstaður í Álfsnesi – staða vegna starfsleyfis og tímasetningar í eigendasamkomulagi frá október 2013**

Farið var yfir stöðu máls og gengið frá yfirlýsingu vegna samkomulags eigenda SORPU bs. frá 13. október 2013 um nánari túlkun á ákvæði í því samkomulagi um lokadagsetningu urðunar í Álfsnesi.

**Niðurstaða:**

Stjórn og framkvæmdastjóra byggðasamlagsins falið að vinna áfram að lausn málsins.

**3. mál: Samstarf sorpsamlaga á suðvesturhorni – viljayfirlýsing og staða viðræðna um mögulegan framtíðarurðunarstað á suðurlandi**

Fyrir fundinum lá minnisblað framkvæmdastjóra SSH vegna sameiginlegs fundar stjórna og framkvæmdastjóra aðildarsveitarfélaga SORPU bs. og SOS bs. sem haldinn var 11. september 2018, sbr. samþykkt þar um á eigendafundi 3. september 2018.

Ennfremur var kynnt samþykkt bæjarstjórnar Ölfuss frá 25. september 2018, þar sem lagst er alfarið gegn opnun urðunarstaðar fyrir óvirkan úrgang í sveitarfélaginu.

Umræður

**Niðurstaða:**

*“Eigendafundur SORPU bs. lýsir verulegum vonbrigðum með þessa niðurstöðu og telur að með henni liggja fyrir aukin óvissa um hvort SOS bs. geti fundið lausn á urðunarstað fyrir óvirkan úrgang innan sinna vébanda innan þeirra þröngu tímamarka sem eru á máli.*

*Eigendavettvangur SORPU bs. sér því ekki forsendur fyrir því að samingur SORPU bs. og SOS bs. verði framlengdur óbreyttur eina ferðina enn meðan ekki liggur fyrir hvort eða hvernig SOS bs. getur leyst úr núverandi stöðu.*

*Eigendafundurinn áréttar, að SORPA bs. hefur það hlutverk að annast lögbundnar skyldur aðildarsveitarfélaganna sem settar eru í lögum 55/2003 um móttöku, meðhöndlun og förgun*

*úrgangs innan þeirra sveitarfélaga sem aðild eiga að byggðasamlaginu. Sú skylda nær ekki til meðhöndlunar eða förgunar úrgangs úr sveitarfélögum utan starfssvæðis SORPU bs. Þjónusta SORPU bs. við SOS bs. frá árinu 2009 hefur því byggst á viðskiptalegum forsendum og í trausti þess að unnið væri að lausn á sameiginlegum hagsmunum beggja samlaganna.*

*Í ljósi núverandi stöðu máls, þá samþykkir eigendafundurinn að gerður verði nýr þjónustusamningur við SOS bs. til 2 mánaða, og jafnframt verði gjaldskrá vegna þjónustu við SOS bs. endurskoðuð, sem og önnur ákvæði um og skilgreiningar á þjónustunni.*

*Ef ekki liggja fyrir innan tveggja mánaða skýrar og ásættanlegar niðurstöður um hvort og með hvaða hætti SOS bs. getur leyst úr því máli sem hefur verið forsenda þess samnings sem var gerður 2009 til 3ja ára, og hefur síðan verið framlengdur 18 sinnum, þá verður þjónusta SORPU bs. við SOS bs. sjálfkrafa hætt.”*

#### **4. mál: Endurvinnslustöðvar – skoðun á mögulegri staðsetningu til framtíðar**

Hrafnkell Á. Proppé, svæðisskipulagsstjóri, kynnrir yfirstandandi vinnu við greiningu á mögulegum staðsetningarkostum endurvinnslustöðva, sbr. samþykkt frá eigendafundi 3. september sl.

Umræður

Niðurstaða:

Málið er ennþá í vinnslu og verður tekið til frekari umræðu á eigendavettvangi þegar mótaðar hugmyndir liggja fyrir.

Fleira ekki gert – fundi slitið kl. 11:15

Páll Guðjónsson, fundarritari.